

UKA13-imit atuutilersumik uranimik aamma aatsitassanik qinngornilinnik pīiaasarnermik attueqqusinnigilluinnarnerup atorunnaarsinnissaannik Inatsisartut akuersissuteqarnissaannik Inatsisartut aalajangiussinissaannut siunnersuut.
(Inuussutissarsiornermut Aatsitassaqaqarnermullu Naalakkersuisoq)

Akissutitut allakkiaq

(Inuussutissarsiornermut Aatsitassaqaqarnermullu Naalakkersuisoq)

Aappassaaneerera

Aallarniutigalugu ataatsimiititaliaq sulineranut qutsavigerusuppara.

Uranimik aamma aatsitassanik radiop qinngornilinnik pīiaasarnermik ”attueqqusinnigilluinnarnerup” atorunnaarsinnissaa pillugu aalajangiussinissamut siunnersuummik Naalakkersuisut saqqummiussaqarput Kalaallit Nunaanni uranimut imaluunniit aatsitassanut radiop qinngornilinnut allanut qaqutiguunngitsukkut atasuusunik aatsitassanik qaqutigoortunik aatsitassanillu allanik atugaqarsinnaanissarput isumannaarsinnaaniarlugu.

Nunarsuarimi uranimut tunngatillugu qitiusutut suliaqartut ilaat nunat demokratiskiullutillu avatangiisinik sianigisallit, Canadatut Australiatullu ittuunerat naqissuseqqissavara. Taakku aaqqissuussivittut inississugaannik tunngaveqarniarsarinissaq misilinniarparput.

Tassalu nutaalioqqinniarsariniangilagut, aaqqissuussivinniilli pioreersunit pitsaanerpaat atorniarlutigit.

Naalakkersuisunut suliaassat siunissamut tunngatitat suliaassanik assigiinngitsorpassuarnik iluseqarput. Maleruagassanik ingerlattakkanillu ilusilersuineramik suliaq annertoq naammassineqassaaq, taamaalilluni nunatsinni pinnerlunilu illersortarialimmi uranimik isumaginninneq isumannaatsutut ilusilimmik pissalluni, aammalu nunani tamalaani isumaqatigiissutinik tamanik, uranip taamaallaat sorsunnermik siunertaanngitsunut atorneqarnissaanik isumannaariniarlutik inississukkanut naapertuuttumik pissalluni.

Siunissamut tunngasumik suleqatigiinneq pillugu Danmarkilu suleqatigiinnissamik isumaqatigiissuteqassaagut, tassungalugu atatillugu nunani tamalaani suliaqartunik, ilanngullugu nunani tamalaani atomip nukinganik aqutsisoqarfik, Det internationale Atomenergiagentur, IAEA-mik oqaloqatiginninneq aaqqissuutissavarput.

Tamanna ilutigalugu siunissami malittarisassaatsinnik aalajangersaanermut atatillugu annertuumik innuttaasunik peqataatitsisoqassasoq Naalakkersuisut kissaatigaat. Aatsitassanut inatsisip piumasaaqatigaa avatangiisinut inuiaqatigiinnullu iluaqutaasussatut piujuartitsinermik misissuinerit ingerlassimanissaat. Taakku tusarniaassutigineqassapput,

taamaattumillu innuttaasunik peqataatitsineq qinnuteqaateqarnermut ingerlassami sanioqqutassaannigitsutut piumasaqaatitut ilaassaaq. Sumiiffinnut uranip atornissaa pillugu akuersissummik qinnuteqarfiusunut illoqarfinni nunaqarfinnilu qanittuniittussani innuttaasunik peqataatitsineq immikkut ittumik annertussuseqartitaassaaq.

Danmarkip aamma Kalaallit Nunaata nunani tamalaani pisussaaffiiniik naapertuutsitsisumik uranimik atuinerup nakkutigalugulu isumannaarisinnaasunik pisariaqartitatut malittarisassiat aqqissuussiviillu inississorsimatinnagit uranimik suliniutit pillugit qinnuteqaatinik sunilluunniit akuersissuteqartoqassanngitsoq sakkortuumik naqissuserusuppara.

Aalajangiussassatut siunnersuutip taamatut iluseqartillugu akuersissutigineqarnissaa taamaattumillu allannguutissatut siunnersuutip itigartitsissutiginiissaa Naalakkersuisut innersuussutigaat.

Oqallilluaqqinnissaq qilanaaraara.